

南康縣志卷之十三

列女志

兩間正氣鍾於鬚眉者不足異而鍾於巾幗者為尤奇蓋丈夫讀書明理素悉大義名教所關自當殉名全節婦女則詩書未見綱常未明猝遭不幸輒能從一而終百折不回其性為何如也南康雖僻壤自宋賢女烈節代有嗣徽或未嫁殉夫或捐軀抗賊或截髮茹荼青年守志白首完貞者乘不勝載豈非正氣之所鍾表宅里樹風聲自當邀

南康縣志

卷十三 列女

一

朝廷

旌獎第窮簷蔀屋未能盡達

楓宸惟載諸竹帛亦足永垂於奕葉節義重則以

盛衰存亡異者知愧矣亟登之以勵風化

宋

劉女吳村居勝里田家女也幼時父母許以適

高州蔡姓已而悔之更許吳吳之子卒又欲

以之歸蔡女曰先使我棄蔡許吳今又欲從

蔡是大傷風化何視吾身太輕也因悲憤沉

潭水而歿鄉人禮之名曰賢女潭

立祠潭上採入省志

明



鄧氏王文成公幕下力士藍成鵬妻鵬陣亡氏誓死不二白首霜鬢巡按旌表其門

劉氏王時彥妻時彥卒劉年一十有九誓不他適孀居斬然不輕踰壺外亦鮮與羣婦同語坐守六十年鄉族信服知府張弼奏聞未報弼賦貞桃篇劉居其一也

何氏縣學生劉泰妻泰卒無嗣何年一十有九孀居無他志年七十八鄉族無間言郡守盧濬賜以紬絹米肉擬奏聞去任未果採入省志

朱氏蔡裴真妻真歿朱年十有八事舅姑撫幼

南康縣志

卷十三

列女

二

兒惟謹內外咸稱之年九十有四郡守盧濬賜以紬絹米肉擬奏聞朱隨卒採入省志

吳氏縣學生李彬妻彬卒時吳年二十有一誓無二志年八十有二郡守盧濬賜紬絹米肉擬奏聞去任未果採入省志

奚氏吳在甫妻甫卒奚年二十家貧守節事孀姑以孝撫孤成人而孤媳俱亡市民求之剪髮自誓年六十而卒採入省志

汪氏王事徐妻年三十夫亡守志踰六十不改萬歷十年奉詔覈實御史旌其門採入省志

吳氏賴養能妻養能卒吳年二十有三無嗣誓志自守聞靈肅然父母欲奪其志乃所持益堅不造父母之門者久之嘉靖乙巳合邑庠士具呈提學僉事蔡克廉檄縣旌獎年九十而卒採人省志

郭氏劉潤澤妻潤澤卒郭年二十有二嚴毅自守撫孤稍成人而孤亡乃立夫弟之子爲嗣備嘗艱苦富民求之誓死不渝族隣無間言年七十有九而卒

李氏蔡安秩妻安秩卒李年二十有二沉靜儉

肅誓不違志撫孤時寵訓成彥士以貢入大學駸駸向用母年七十有三一節貞守輿論

咸歸

以上嘉靖志編載并採入府志

賴氏郭居端妻也端在庠名怡娶賴一紀餘而

殞遺孤甫三歲賴年方二十四富家慕之爲

室晝夜乃擁短刃自防鑿穴給饋粥母子影

吊比子娶孫生氏年尙艾父母諷其可也乃

厲聲曰夫歿有子子有孫我將焉住竟誓靡

他年踰九十而性猶烈節聞院道共旌歲給

粟帛存恤

採人省志

陽氏生員商志賢之妻也賢卒時陽年二十子
總一歲誓不再適事姑以孝聞時縣令汪承
爵府守宋萬葉申詳巡按督學交章錄薦奉
旨建坊旌表其門時萬歷二十年卒年八十
有六

採入省志

蕭氏廩生郭處易妻州同夔之母也易病將殞
與妻訣曰汝少毋爲二孤故當善事後人蕭
嚙指泣曰此言何爲也妾事君有年豈不諒
妾耶妾或改心有如此髮遂剪髮納易懷未
幾卒毀瘠短髮數十年常辟纊畫荻訓兒成

南康縣志

卷十三

列女

四

名年躋耄耄邑令傅爾佐申詳院道府交獎
屢給匾旌題請建坊大學士一燥劉公賦有

貞節篇

採入省志

郭氏吳望昭妻邑城西二坊人氏年二十三夫
亡遺子撫養家貧啜粥織緝自如誓無他志
年至七十累奉按院結粟帛旌獎

採入省志

賴氏王一詡妻年一十八結髮甫四載遂斷髮
以誓靡他守節六十春貞操不渝冰心如鏡
時縣令陳瑾郡守孫同倫具詳巡按張汝懋
奏請命下旌表建坊其門

採入省志

王氏郭希綸妻綸卒王年二十四事舅姑撫牙
遺朝夕乾惕內外無間言有親族使老嫗諷
欲奪之王曰婦之幸夫未亡者止有此肉耳
婦存兒存婦去兒去至兒去而夫乃真亡矣
不如死爲正遂持刀刺血姬奮救得免人遂
不敢犯縣令陳詳其事郡候孫分守邱分巡
蔡按院田俱行獎具題旌表壽九十八終探八省志
吳氏文學陽茂照妻事蹟詳見藝文

易氏邑二坊郭民父之妻寓居大廈崇正辛未
流賊鍾三石犯境破府水城賊執逼之不遂

南康縣志

卷十二

列女

五

從陰戶剝而殺之時府庾兩庠生員白其事
於府道院督學王維夔給匾旌獎採入省志

國朝

扶氏生員王祐妻丙戌兵臨懼辱扶筋容襖服

自投玉字街井而死

有詩叙載藝文節烈見省志但省志祐悞作祐

賴氏庠生蔡顯初妻爲寇所掠至黃土潭沉水

死亦丙戌年事

採入省志

蔡氏生員王家麒妻丙戌偕十餘婦避寇小水

玉潭山聞寇至速衆婦上樓蔡氏自縊樓下

衆婦幸而免全

採入省志

王氏庠生蔡國藻妻爲寇所執欲汚之王厲聲

抗拒寇忿甚殺之郡邑至今高其節烈採入省志

鍾氏名菊女二廂九甲王紹衮妻也事姑至孝

家貧織紵自活常飯夫而自啜粥絕無怨聲

丙戌廣兵退管夫被執鍾年二十有四懼辱

抱幼子跳入後園魚塘中後數日夫脫回撈

屍面色如生邑人哀之採入省志

明氏順化鄉呈四里人鄧祥南妻南死婦年二

十遺子半歲誓不再嫁居家嚴謹擇師課子

守節三十年卒其子作勵叨入縣庠

南康縣志

卷十三

列女

六

張氏順化鄉呈四里庠生鄧就湯之妻氏年十

八生子甫一月而夫卒立誓撫姑訓誨讀書

守節四十餘年卒其子文聚叨入府庠

陳氏邑中賴尙用妻卒甫二旬夫卒孀守撫孤

壽登六十歷苦節四十年子若孫皆成立後

奉虔都院蕪給匾旌獎以上陳志編載并採入府志

陽氏處士林高嘯妻生員林春英之母授貢林

作楨作梅之祖母也高嘯卒陽年二十有四

遺孤春英甫半歲氏執從亡之義水漿不入

口者五日族婦慰曰上有饑老下有孤兒付

托何人因含悲忍淚易殉夫而守節奉高堂
謀鞠子一無所失迨丙戌兵戈擾攘遇寇奪
兒受刃幾斃惛情中彷彿有神救得甦幸兒
亦無恙凡此皆孝節之所感也亂定理家艱
難拮据課子成名年躋七十而歿可謂大節
無虧者矣翰林院修撰李蟠爲之作傳載入
藝文

黃氏本姓王生員黃裳吉妻孝廉黃瑞之母也
裳吉卒氏年甫二十四誓志栢舟茹荼拮据
課子成名早登賢書內外無間言年躋六十

南康縣志 卷十三 列女 七

有二而歿自首完貞大節昭然邑令申毓來
具詳 署府篆司馬遲 批允旌獎載入郡
志

郭氏歲貢郭良工女廩生賴尙珠妻廩生建栢
之母也尙珠卒郭年甫二十二誓志孀居事
堂上舅姑以孝聞撫三歲孤以養以教內外
無間言持家嚴肅課兒成名年躋六十而歿
歷青霜三十八載大節昭然邑令申毓來具
詳 署府篆司馬遲維璽批允轉詳

學 兩憲於康熙四十九年題准

旌表建坊 採入省志

田氏順化鄉里民蕭榮先之妻生一子一女甫

離襁褓氏年二十五而夫死恐貧守節姑與

叔欲奪其志不從復凌迫之是夜將半氏私

挈其子女同赴河濱而歿戊子年三月二十

日也已丑邑令申毓來詳郡侯陳奕禧請表

其墓批允建亭立碑紀其烈蹟記入藝文以

申志編載并

採入郡志

附錄郡侯陳公批詳 據詳田氏守霜節於

凍餒矢志彌堅捐玉骨於清冷全身不感且

兒女皆殉泉路原可提携獨是宗祧並軫仁

人能無憫惻 本朝定例不旌從亡之婦為

南康縣志

卷十三

列女

八

其輕自戕生而此田氏實因無路可棲舍是
奚能完操以村婦之微而綱常獨任忝方岳
攸關在政教當獎如議建亭立碣以勵風俗
仍侯本府親製碑文書就給發并入郡志繼
按閨門為萬化之原所係於風俗人心者大
矣非真青年守志皓首完貞者不與焉故自
陳志至今垂四十年來予採實僅得四人非
刻也言之者足徵而後當之者不愧爾

許將愈未婚之妻鄧女標秀鄉飲大賓鄧振樊

之女安慶左營守備鄧雲從之孫女也臨嫁

而將愈卒鄧女年十六聞訃悲痛號泣哀極

忘生誓欲從夫於地下旁人力勸不鮮旣而

閉戶嗚咽卒自經死死後異香數日面色如

生康熙五十六年題准

加表建坊 採入省志

王氏郡增生李仙所妻武舉曰謨貢生日誥之母也夫歿哀痛幾絕孝奉老姑訓遺孤成名不愧義方氏之母暨嫂同兄物故俱能厚賻之治家勤儉體恤周貧年踰六十四而卒邑侯金公詳請雍正四年題准建坊因子曰謨任江南興武衛五帶領運千總

覃恩贈為安人 採入省志

劉氏儒士盧大濂之妻贛縣監生劉仁德之女也氏年二十七而夫歿一慟幾絕既念遺孤

南康縣志 卷十三 列女

九

僅七齡且有遺腹可望再舉男未可以死輕也後果生男守志二十載而卒舊例守節存歿俱以五十歲為合例

世宗憲皇帝登極 恩詔節婦四十五歲身歿者守節

已歷十五年應予

賜旌氏歿四十六遵新例舉焉雍正五年題准旌表建坊採入省志以上三十三人雍正九年奉旨崇祀節婦祠

李氏府庠生朝元女唐江盧大遇之妻年二十三大遇卒遺一孤氏撫之受室而天生孫半歲復殤氏為孤立嗣以延祀家徒四壁勤十

指以易升斗令隨嫁僕婢艾薪佐之後竟逃去兼有薪米之艱因力爲節嗇至鉅偏薪於鍋以炊慮亡以爲繼然不再食者旬有屢日矣年六十有九卒乾隆元年題准

旌表建坊

周氏郡廩生盧鑑之妻國學生來崇之母也幽閔夙裕貞靜性成十九而字廿五孀居純孝事翁姑罔安視膳恐傷垂白雙親苦志撫孤兒飲食備雜務期詩書克紹砥四十五年柏舟之節完六十九載匪石之操於乾隆元年

南康縣志

卷十三

列女

十

題准

旌表建坊

裴氏邑諸生鍾應璧妻也年十六歸應璧璧卒氏年二十九哀慘欲絕誓以死殉及見舅姑日悲號不已三孤纍纍牽衣在側復淒然曰吾非一處可以塞責遂強起竭子婦職撫諸孤長卽教之讀後伯子宏任蚤歲卽有文名每督學按郡試輒第一年未艾領歲薦仲子日純補諸生諸孫相繼起有聲年七十有七眼見其子若孫之成立而卒乾隆元年題准

旌表建坊

劉氏韻邑歐潭劉伯耀女年十四歸唐江盧大
祐三十祐亡守節二十二年年五十二而卒
耐貧撫孤負性貞靜自孀居後足未嘗踰戶
間與妯娌宴會終日不聞其嘖以笑族黨親
屬至老亦罕識其面焉乾隆二年題准

旌表建坊

吳氏朱錫遜妻遜貧甚每讀書無膏火氏以簪
珥換油遇考試乏貲斧輒出粧奩無吝惜遜
卒時氏二十三撫二孤事翁姑內外無間言

南康縣志

卷十三

列女

七

氏以夫賚志以歿尤篤意課子早入郡庠乾
隆五年題准

旌表建坊

高氏郡庠生鄧鳳池妻年二十五而鳳池卒遺
一子甫三歲池上下三世不絕如縷者唯此
高矢志撫之以延夫嗣出入顧復倍異常母
孤稍長訓誨懇懇欲其日親正言正行後孤
名秀林入郡庠未幾卽死呱呱二孫高同媳
翼而長之兩世孤危迄於成立徵高之力不
及此年六十四卒乾隆十一年題准

旌表建坊

許氏順化鄉呈四里生員鄧懷萬妻萬卒子幼許年廿六霜居四十餘載栢舟矢志百折不回婦代子職竭奉翁姑慈兼嚴訓撫育二子茹荼和丸備極艱辛卒能怡情高堂成立遺孤完節純孝光啟後先壽臻古稀作則壺範乾隆十一年邑侯採訪得實具詳請

旌奉

旨給銀建坊以表其門

張氏儒童鄧標祥妻年二十五而祥卒遺三孤

南康縣志

卷十三

列女

三

俱襁褓張誓死靡他剪髮一握跪納棺中曰吾上有老姑下有幼子身不能殉以此髮相從於地耳事姑以孝聞姑歿喪塋如禮鞠孤子課督嚴謹不假辭色年五十一病劇顧謂三子曰吾身衣縞素者二十七年今將見若父於地下殮用布帛足矣乾隆十一年題准

旌表建坊

郭氏儒童周仲庸妻年二十八而仲庸死守節四十八年鄉進士奉議大夫唐虞陶有傳乾隆十一年題准

旌表建坊

郭氏即修職郎何應鑑妻年二十歸鑑鑑卒郭年二十四越數月遺腹始生一子父母恐其也吾夫早亡幸有此一塊月奈何以不入耳之言來相勸勉乎不顧而唾自是不歸寧者十餘年奉事翁姑孝養備至姑病焚香默禱願以身代姑卒郭哀毀成疾不數月亦卒得年四十有二子嘉深授縣丞職援例

馳贈孺人乾隆十二年詳請

南康縣志

卷十三 列女

三

旌表建坊

裴氏穎邑舉人原任山西陽城縣知縣裴世佐次孫女也適儒童朱錫廸氏歸未及事翁姑祭祀務加誠敬嘗曰祭之豐不如養之薄吾於祖父母未及生養已抱恨於此而猶敢有怠心其何以爲人每祭祀恭設香案祭拜無敢忽不意廸奮志攻書遂成疾及病篤淚漣漣顧妻妻曰是殆慮吾有二心耶氏毀容自誓削髮一束拳夫手廸乃瞑目而終氏時年卅五於是孀夫後抱男依伯祖母鄧氏同居

終日閉戶惟紡與織而已孤長每指示所知
一二古人以勗而朱氏歷世單傳今嗣息漸
衍皆氏之力也乾隆十二年題准

旌表建坊

王氏郡庠生蔡明通妻會昌訓導王廷芾女年
十八歸明通年二十五生子數月明通病劇
氏焚香禱於家廟請以身代及明通臨絕時
目炯炯不能言氏抱孤泣曰吾非靳一死有
此一塊肉矢志撫之他日地下可相質也夫
目乃瞑自是扁戶自守越六年而孤夭誓欲

南康縣志

卷十三 列女

十四

從夫姑力爲勸之立兩叔子爲之後乃止後
因痛哭喪明白恨不能事姑姑年九十有一
歲氏雖失明猶不失子婦晨昏定省之職乾
隆十二年題准

旌表建坊

楊氏把總楊宗霖女也讀書識字久之文義淺
者能以意解之年二十歸儒童李日升辟纊
佐讀無虛晷七載日升卒觸棺以殉姑泣諭
乃止肅居一室聲不出戶外事繼姑能先於
其意而以意迎之後於其意而以其心與力

趙之姑病侍湯藥唯謹每饔飧必泣薦夫靈而後啜茹之痛夫不祀撫從子以爲夫後未幾嗣子夭慟夫與子兩目喪明年四十二病篤語家老婦曰吾死後必以素服殮吾可以見亡人於地下矣遂卒乾隆十二年題准

旌表建坊

曾氏儒童郭文珩妻年二十四而夫卒氏冰雪滌心至老不易守節三十八年至今現存乾隆十三年題准

旌表建坊

南康縣志

卷十三

列女

十五

蕭氏儒童蔡天祐妻年二十四而天祐亡遺一子一女俱在襁褓家徒四壁矢志守節堂上翁姑哀其年少持節艱辛難以苦守氏百折不回誓歿靡他紡績自活遂得以完其節乾隆十三年題准

旌表建坊

賴氏儒童吳良梅妻年二十六夫亡撫孤而泣曰吾非不能死也我死而此子零落無成是再死其夫也自是勤十指以自給茹苦含辛艱難萬狀孤稍長教以讀書令就外傳入而

嚴督之不使懈維濱感勵遂肆力於學爲郡
學諸生後維濱先氏之二年而卒而氏晚年
慘傷誠有不堪爲懷者矣乾隆十三年題准
旌表建坊

陳氏辛二畝一甲崇教鄉朱加貴妻年二十九
而貴卒遺孤甫一歲氏矢操礪節勤十指以
奉姑甘旨撫孤至愛室生孫不數年而孤朝
縉又死縉之妻氏沈亦含辛茹苦與姑相依
其哺七齡弱孫一門兩世孤苦零丁嗣續宗
禰維婦是倚陳氏題准

南康縣志

卷十三

列女

七

旌表建坊

鍾氏儒士嚴希隆妻年二十夫死守節七十三
年壽登九十三而終青年守志白首全操有
司以節教垂芳額其堂褒之

魯氏儒士李之傑妻年十九夫死守節四十三
年始終如一於言無間合邑申詳學憲沈以
節勵冰霜額其堂褒之

烈婦嚴氏年十五歸儒童王琦三載生子一踰
年琦卒痛不欲生念夫祀恃兒兒責在婦未
可以身殉也舅姑年老喪子又恐以號哭爲

其心私自欽泣而已孤病危禱於天地祖宗願以身代兒以存夫祀病果瘳七歲出就外傅甫授書卽成誦師驚異之對曰此吾母夙教也蓋所望於子之繼夫志者切矣丙寅五月五日癸亥年十二因事渡江遇暴風溺死烈婦哭往江干求屍不得躍身投江江石橫挂衣袖家人急救得不死泣曰若輩不知大義吾所以苟延視息至今者爲夫祀也子死夫絕祀而忍偷生乎歸絕粒姑勸之勉進漿粥至六月十六日姑防稍踈閉戶投繯而死郡伯游公以存此一節褒之

外史氏曰烈婦之歿有司於其事上聞或議其輕生違禁且謂死於夫七十年之後爲不合例夫殉夫爲輕生則千古殉君而舍生取義者皆可罪矣忠臣之義宗社苟延一縷必扶孤以圖恢復一君也復立一君不徒以早死塞責故陸秀夫張世傑不死端宗共帝衛王於海中而輔之厓山破而後死之其所處尤難而忠彌至也可議其死之遲乎烈婦扶孤與殉夫道兩全而無缺足與二臣匹休矣

李氏城東李仙邵女汝溪郡庠葉凌雲之妻生
三子年三十夫邁疾氏籲天請代不獲遂誓
以身殉絕食數日繼姑諭以諸孤曷恃乃悟
自是決意撫孤性孝且仁事舅姑能得其歡
心因姑氏先歿而繼姑垂老患痿痺盥櫛坐
卧俱不能自力氏服侍無倦色於是繼姑久
而安之亦不自知爲疾人也遇人困乏輒賑
恤之有族女適吳者婿亡無倚氏招至家贍
養氏現年七十有四長子監生葉翹多義概
皆茲教之使然也乾隆十七年題准

南康縣志

卷十三 列女

十八

旌獎

盧氏儒童何嘉任妻年二十八夫亡氏堅志矢
節閭範肅然勞苦星霜至老不輟現今五十
九歲乾隆十七年題准

旌獎

李氏儒童朱錫瑄妻瑄卒家貧如洗氏年二十
四翁姑皆慮其難守諭令改從氏安命適若
勤紡織奉翁姑月冷霜寒機聲軋軋一孤旋
呱呱以泣聞者酸心迄今孤樵採耕種以供
饘粥雖饑寒交迫從無怨語現題准

旌獎

王氏年十八歸儒童賴萬泳生二子年二十五而夫病焚香禱神求以身代而不可得夫歿一慟幾絕稍甦水漿不入口矢以身殉姑曉以扶孤之義數日乃食自是悉心以撫孤爲務鶉衣蔬食族戚慶弔皆不與焉孤稍長常自課之守節三十七年乾隆十七年題准

旌獎

黎氏年十五歸沙溪葉瑚生氏年二十八而瑚生卒無一畝一椽可依以撫孤守節爲務氏

南康縣志

卷十三

列女

九

只知織霜紡月而已苦雖如荼其之如飴也貌言莊肅夫亾益自勵族黨宴會群女婦或歡樂笑語氏默默自如宛然一黃鵠獨悲時也遺孤一今抱孫有七郡人以爲苦節之報云乾隆十七年題准

旌獎

陽氏歲貢生奉新縣訓導學易之女邑庠生謝元諭妻年二十九而諭卒躡踊涕泣勺水不入口者數日氏素嫻內則知大義翁姑老且病左右扶持十餘年不倦膝下藐孤防閑嚴

密孤啟適率教少弗謹泣而責之曰尔家歷世書香倘墜家聲未亡人罪也孤長督率倍如曩昔年今五十有四守節二十六載凡族鄰戚眷罕見其面乾隆十七年題准

旌獎

許氏儒童鄧脰曾妻年二十二夫亡遺一子僅數歲戚屬哀其年少諷之再醮氏忿然曰從一而終者義也奈何以此言污吾耳耶遂堅志苦守撫孤成立時年五十有餘題准

旌獎

南康縣志

卷十三

列女

二十

劉氏儒童張貞錦妻氏年二十四夫卒勞瘁宵旦勵志守節現年六十有餘稱未亡人數十年乾隆十七年題准

旌獎

鄧氏儒童張貞稷妻年二十五夫亡勵志守節朝夕紡績以供饘粥終身素服人敬其苦節現今六十有四乾隆十七年題准

旌獎

周氏儒童鄧孔霄妻年二十一夫死守節三十七年有傳載入藝文乾隆十七年題准

旌獎

王氏一坊六甲王崇鈺之女年十六歸郡庠賴
建亨二十一歲夫亡遺孤二長三齡次呱呱
懷抱靠姑氏蔡相依爲命後姑年老更遭兵
燹流離播遷猶必曲意承歡拮据供其旨姑
卒殯塋如禮哭聲悽慘聞者傷心遺孤稍長
以教以養俱幸成立氏之兄只遺一脉氏代
爲撫養成立完娶歸宗節堅而義重世所罕
有

蕭氏儒士林春蘭妻成婚七載蘭卒氏時年二

十矢以身殉翁姑泣而慰之曰若志則遂矣
其如子幼何能撫孤兒承夫志不亦亾者猶
存生者有依遂強食治喪事舅姑奉養無缺
時值鼎革田土荒蕪饑饉薦臻康邑當四衝
之地差繁賦重氏日勤女工紡織操作仰事
俯育無虧自幼識禮教知大義訓孤嚴督擇
師課業致孤兒作楫作柱俱明經授司訓於
新淦興安厥孫曾十餘輩或歲薦或廩篋各
有其人鄉里咸稱義方之訓守節之報云奉
學憲冀嘉其節以褒之

溫氏王孚允妻年二十六而寡夫死時剪髮紉棺中以殉夫墓矢志撫孤守節艱苦寂寞以終

朱氏年十九歸儒童鄧擴武擴武卒氏年二十七止生一子矢志撫孤事姑以孝聞食必親作衣必躬澣小心翼翼始終如一姑卒殯葬如禮夫故無伯叔兄弟姑死後獨力撐持與藐孤形影相吊朝夕紡織以供家計及孤長教之詩書毫無吝惜現年五十有餘形神憔悴髮白齒落有司嘉其苦節詳請

旌獎

藍氏儒童王宣備妻年二十六而備死備無期功伯叔兄弟止遺四齡之孤兒婦泣曰夫死守節自古有之過於苦者莫如我不但饑寒交迫且無立錫之地熒熒孑立依倚父母之側人生一至此極豈非命也乎及孤長受室不逾年而媳卒復受室孤方欲力學報母不期嘔血而殒生二子長四齡次襁褓氏猶望寡媳相依爲命無何媳之父見氏家貧逼其媳以別適氏忍苦吞聲抱兩孤孫惟女工繼

鞋底代人浣衣度日而已氏現有司嘉其苦節詳請

旌表建坊

蕭氏民人王聖雨妻年三十夫死矢志撫孤艱苦備嘗適有富室欲強逼婚蕭居近大河卽投江而死得一老嫗救之遂引刀割面血流仆地人服其節

藍氏儒士王事彥妻彥早卒氏年二十三遺孤方四齡勵志撫之父母憐其年少爲日久且家貧勸至苦氏泣曰命也生爲結髮妻死爲

結髮婦吾豈能背吾夫哉後父母強之至再氏盡斷其髮從此閉門立誓不與眷屬相見唯教養孤兒一如夫在復慮其孤單弱立一從姪爲子輔之後孤以祖成立援例任貴州赤水浙江温州經歷人以爲節孝之報得享高年鄉里呼爲老節母

扶氏儒士王秉玠妻年二十七夫死矢志育孤惡衣麤食姑氏蔡雙盲極力孝敬服勞浣滌後子早喪又撫孫艱苦脩極守節以終鄉里稱以節孝兼全云

陳氏年十七適庠生王應輝生子六月而寡氏年二十三守節養孤勤以自力遇貧婦不足於衣者解衣以衣之不足於食者分食以食之人稱爲孝慈節義之婦焉

羅氏王世良妻年三十夫亾遺孤又中殤父母見其孤苦接於家就食或勸之改適氏曰妾不幸無夫夫不幸遺子又殤妾苟去翁姑地墳廢失祭祀無主未亾人罪也遂毀容剪髮寡守五十餘年

郭氏儒士賴萬華妻華死勵志冰操無有二心

南康縣志

卷十二

列女

廿四

氏幼嫻內則長守閨範歸賴門僅四載年甫二十雌雁孤飛現今子孫繁盛皆節婦之苦報云

朱氏儒士林必康之妻年二十三夫亾僅遺半歲之孤兒貧無立錫饑寒交迫從無怨聲教兒成立年登古稀而死

譚氏民人李承烈妻咏琴瑟於十六之年散鴛鴦於二十四之秋氏凜然無再植之生人服其有歲寒之節

王氏邑民李天璋妻識大義能孝敬舅姑康熙

十九年間天璋貿易廣東客死其地氏聞訃呼搶不欲有生又計夫棺未歸孤兒羸弱因勉強拮据迎夫柩營葬教兒以耕種度活詳請

旌表建坊

劉氏儒童賴國箴妻事蹟詳見藝文

郭氏郡庠朱士枚之妻年二十一枚卒遺一子甫三齡矢志撫之枚之母羅氏向亦寡氏竭力奉之枚死羅殷憂成疾氏祈天泣愿以身代姑疾果愈壽登七十甫終氏因姑未獲請恩詔採錄邀旌亦足爲風化之一助

蔡氏賴萬楨妻年十七適萬楨甫二載餘而萬楨殂遺孤開通僅八月立節撫之迄於成人而氏亾其志節有足取焉題准建坊

郭氏郡廩賴思聖之妻夫亾時年二十誓以身殉姑勸慰曰爾從夫亾不如撫孤以延夫嗣勉從姑命事姑以孝聞夫孝於親者必仁於物氏之仁於親鄰事蹟頗多其尤著者偶買

一婢詢之知爲有夫之氏焚券還之可謂仁義具兼者矣以之邀

旌亦復何愧

李氏民人林述尹妻年二十六歲而夫死撫孤成立其爲未亾人者三十一年始終不渝洵足取焉

朱氏儒士郭敷文妻年二十四而夫亾氏坐臥一室不出戶窺者數十年卒年五十有一譚氏監生明健妻年二十三而健歿生一子歲餘氏矢志撫之

南康縣志

卷十二

列女

共

余氏明世杰妻年十九夫亾無子守志以終朱氏儒士林春芬妻年二十一歲而夫死守節六十七年以節聞於當道無不褒之

鍾氏民人黎世芬妻年十七歸芬芬亾氏年廿五遺孤二家徒四壁母黨見氏家貧屢強別適氏不從剪髮斷指以謝之姑老病勤女紅爲甘旨之奉氏鮮兄弟父故母無所依迎養於家里中咸稱節孝云

鍾氏崇庠廩生賴士煌之妻生子一年廿五而夫故事舅姑以孝聞得與

旌典

劉氏適儒童葉成璋嫁逾年舉一子又逾年而寡時氏年十九立節撫其孤孤善病而繼姑垂老又患癩痺兩兩交困氏亦苦矣幸卒保全年至五十餘詳請

旌表建坊

楊氏儒童歐陽振經之妻早寡立節紡績度日年七一而終韓子曰霜雪之茂薺麥之有其氏之謂與

王氏國學生王永元妻事蹟詳見藝文

王永元本姓陽

南康縣志

卷十二

列女

廿七

周氏年十七適郡庠生許南率爲妻準卒時氏年甫廿一善事翁姑十餘年無倦色更以義方訓其孤後氏病篤囑其子曰爾身羸弱勿以我故傷生孤勉承母命喪畢生一子孤又繼卒迄今許氏得以似以續者皆節婦所留貽也詳請

旌獎

鄧氏儒童許秉衡妻秉衡以血症亡遺孤一氏年二十九歲不以貧故改操撫孤有成真許氏功臣也詳請

旌獎

劉氏呈三畝一甲儒童歐陽帝選妻氏年二十四而夫卒遺孤幼貧甚親族勸更適氏泣曰我若改節是棄死者於生前何以對死者於身後乎人感焉而不更强及今年六十有七乾隆十八年詳請

旌獎

郭氏年十八適呈三畝一甲儒童歐陽依皇依皇物故氏年二十七遺子一立志撫之其子今已成名人以爲苦節之報乾隆十八年詳

南康縣志

卷十三 列女

廿八

請

旌獎

賴氏儒士王錫瓚之妻年二十七而夫故無子誓欲從夫以姑年老賴其扶持遂請於夫兄之子以爲夫後不數月而殤氏仍竭力事姑以終夙志苦志二十八年今以節孝

旌獎宜矣

劉氏儒士蔡萬桂妻也萬桂死以孤托氏氏立節撫之百折不回更教以義方孤名標得遊邑庠而氏年已半百矣迄今年逾六十猶如

夫甫亾時言動一切不苟貞靜有古淑慎風
當道

旌之宜也

商氏邑廩黃光妻年二十六而光亡遺二子長
存試次律時婦矢志撫養以長以教二孤俱
成立後授九江府德安縣學訓卽其次子也
守節四十五年而終現今子孫繁盛皆其節
之報云

鍾氏張國選妻年二十七而國選亡家徒四壁
矢志不二隣婦見其貧無以守誘之別適鍾
號哭幾于嘔血而斃尤善事舅姑家固始豐
而終約氏黽勉有無堂上不聞咨嗟與論賢
之詳請

旌表

嚴氏吳肇基妻肇基死氏年二十七矢死靡他
冰操嚴肅撫育遺孤敬事舅姑守節二十五
載詳請

旌表建坊

朱氏郭建鐸妻年二十二歲而建鐸亾誓不再
天守節五十年而終詳請

旌獎

陳氏盧鎮廷妻氏年二十八而夫以矢志不二能以媳代子堂上翁姑生事死塋各盡其禮守節二十九年詳請

旌表建坊

蕭氏朱玉榜妻鄉飲正賓時維之母歲貢生文淵之祖母也玉榜卒蕭年二十四歲撫遺孤甫數月教之成立家甚貧事姑惟勤蕭紡織以給朝夕里黨稱其孝慈備至享年八十有一而終題准建坊

南康縣志

卷十三

列女

二十

朱氏郡增生黃詩軾妻詩軾卒氏年二十七毅然矢志撫二孤以長以教至其事姑尤色養備至姑賴之以安守節二十五年里中稱其節孝云題准建坊

鍾氏儒童黎世瓊妻歸瓊年十八瓊亡無子母命再適父且強之氏堅志守節凡幾十年壽登八一而終

洪氏年十九適黃冕爲繼室冕卒洪年二十七矢志撫前室之子名鍾者視如己出躬親教育鍾弱冠遊郡庠亦卒洪擇夫五弟之子名

顯鑑以繼夫嗣詳請

旌表建坊

蕭氏監生王宜恭妻年二十八而宜恭歿氏自泣日出嫁從夫夫死守節婦人道也未亡人雖未讀詩書安能如卓文君平陽公主夫死而改面事人乎今氏守節數十年矣詳請

旌獎

胡氏儒童明熾妻年十八熾卒氏斷髮毀容矢志冰操譚氏儒童明煌妻年廿五煌卒氏霜居貞潔心同皓月一門雙節允協輿情詳請

南康縣志

卷十二

列女

三

旌表建坊

黃氏民人陽榮定妻事蹟詳載藝文

張氏魯士宮妻年廿七而宮卒氏家貧紡績奉姑育子鄉族具報詳請

旌表建坊

梁氏增生蒙景洪妻年二十九而洪歿氏金石一心誓不再適守節二十七載而終詳請

旌表建坊

劉氏郡庠生明嘉詒妻事蹟詳載藝文

蔡氏儒童蕭大猷妻年二十八而夫死氏以節

自勵心如冰潔鄉族具報詳請

旌獎

張氏儒童明世球妻年二十九而夫亡氏以甘苦守貧誓節終身鄉族具報詳請

旌獎

李氏國學生賴開通妻年十七夫亡遺孤立節撫之孤方成立而氏歿鄉里重焉

李氏儒童古名達妻氏年十六歸達達死氏世三孤子世倫甫四歲李因古氏宗祧恃此一綫甘貧茹苦撫孤成立以延夫嗣事翁姑以

南康縣志

卷十三

列女

三三

孝聞生養死葬貧無所資嘗以紡織佐之始終以禮未嘗少缺年臻六十五歲守節四十二年節勁操堅閭里題之題准建坊

張氏廖騰漢妻漢卒氏年二十六一子掄英甫

二歲氏矢志撫之督責諄切數十年不倦事老姑得其歡心姑嘗道魚膾美張鬻釵治膾以進一日女工畢時夜將半忽心悸持燈省姑姑痰喘不能言急治湯藥姑賴以安維時張年五十有六守節三十一載節孝兼著人無間言題准建坊

藍氏儒童邱元享妻年十六歸享享卒藍年二十有八遺孤二長亨通次亨達藍撫督諄切不倦事老姑委曲承順鬻釵以佐甘旨姑病喘藍侍湯藥達旦無厭色姑頷之曰子孫必爾報也歲乙丑

學憲金按試南郡授識亨達聞藍苦節以霜節冰操匾額贈之

黃氏年十六歸儒童邱亨文爲妻文卒時黃年十八歲遺腹生一子利魁黃撫育教訓孤賴以成翁姑年老黃養生送死以媳代子勞勩

不稍惜守節三十八載艱苦備嘗孝慈兼著
詳請

旌獎

王氏蕭九焰妻焰以羸疾不起時氏年二十有六病革之日顧謂氏曰汝年少無自苦他日可再適氏泣曰恨不得相從於地下者徒以舅姑在堂後嗣未立敢有他志乎遂剪髮截指孝養撫孤守節二十八年詳請

旌表建坊卒年七十有四

歐氏儒童鍾英泮妻結褵于一十八齡分釵于

二十七歲事翁姑而盡孝婦道無虧撫繼子以承桃母儀是賴守節五十四年卒年八十一乾隆二十七年題准

旌表建坊

朱氏儒童鍾家模妻十七于歸念八破鏡勤紡績以事舅姑撫藐孤以延宗祀一子揚名賢序諸孫克繼書聲守節五十一年卒年七十九乾隆二十七年題准

旌表建坊

劉氏梁大鳴妻及笄歸鳴後生一男甫三日而

南康縣志

卷十二

列女

三

夫故時氏年一十九歲矢志守節上倚繼姑下撫孤兒課子光祖入國學乾隆三十年題准

旌表建坊年七十六而終

蕭氏賴恒深妻二十五歲夫歿誓志靡他家無隔粟勤十指度日苦節二十五年奉 部給

清標彤管匾額

蕭氏朱文清妻劉氏陽紹連妻俱以年二十一時喪夫矢志守節文清遺孤二蕭氏撫之紹連遺孤數月劉氏撫之皆稱未亡人能水霜

自勵者乾隆三十二年奉文題

旌

王氏儒童賴恒仁妻二十歲夫亡哀慟欲絕念遺孤無依乃矢志孀守撫二子成立貞操四十餘年詳請

旌表

王氏儒童盧來儀之髮妻年三十而儀亡誓志柏舟冰清王潔自夫故後常帶愁容足不踰壺外艱苦備嘗鄉黨宗族無間言守節五十六年壽登八十六而終乾隆三十八年題准

南康縣志

卷十三

列女

三

旌表給銀建坊

蔡氏生員林郁文妻十八歸文甫琴瑟五載而文卒氏哭泣幾絕水漿不入于口姑勸其撫孤以承夫祧乃勉強從命矢志守節堅操三十年乾隆三十九年題准

旌表建坊

何氏儒童歐陽今濟妻二十六歲夫亡氏誓死不二孝事翁姑慈撫孤兒守節三十餘年自首完操乾隆四十五年題准

旌表建坊

黃氏儒童盧鎮溶妻八歲童養夫家十四歲未
婚夫亡矢志守節六十九載卒年八十三乾隆
四十七年題准

旌表建坊 事詳藝文傳

盧氏幸淑勲妻年及笄歸勲二十一歲而夫亡
冰霜自矢撫兒成立乾隆四十七年題請

旌表給清標彤管匾額

范氏陳翰序妻年二十孀居並未生育父母憐
其年幼欲令改醮氏輒自矢叔甫舉子即撫
為繼厥後叔亡家無強近惟與妯氏仰事俯

南康縣志 卷十一 列女 三

育曲盡辛勤課子勤學得明經皆氏力也乾隆
六十年題准

旌表

馮氏鄧芳輝繼妻守節三十八年嘉慶十一年

詳請

旌表 事詳藝文傳

蔡氏儒童李同林妻前進士蔡韶清之姪女也
年十六賦桃子閣四年生一子甫三月而忽
驚鏡破是時氏年方二十慟欲身殉翁姑諭
之曰爾不欲為夫延祀乎懷中此呱呱者將

安恃氏乃強起節哀鞠育撫孤奉養翁姑自
未嘗窺戶及孤稍長卽義方督課卒得援例
成名一生勤儉操作守節四十餘年現近古
稀孫曾繞膝人咸以爲貞操所致云嘉慶十
四年題奉

旌表建坊

彭氏儒童周便挺妻十八歸挺十九生子二十
二歲夫亡氏矢志守節撫孤姑老雙目失明
孝養無懈延師課子得名列成均諸孫奮志
詩書皆氏畫荻之功焉嘉慶十五年題准

南康縣志

卷十三

列女

三

旌表建坊

朱氏捐職理問黎其琮妻十五于歸廿四而夫
故遺孤僅八月氏矢志貞守孝事翁姑奉養
朝夕匪懈撫育幼兒以養以教克列成均嘉
慶十六年題准

旌表建坊現年六十二歲

朱氏儒童董學模妻幼適董年二十而夫亡誓
不再醮紡績度日撫孤成立事姑備極孝敬
從一而終嘉慶十七年題准

旌表建坊

朱氏郡廩生鍾傳敬妻十八琴瑟好合念九鸞
鳳分飛柏舟誓志金石盟心事翁姑送死養
生皆由至性撫幼子採芹遊泮悉本義方現
今六十九歲守節四十年嘉慶二十五年題
准

旌表建坊

余氏儒童鍾傳攻妻十七于歸念九守節事翁
姑存歿無憾撫孤子教養成名迺子能讀父
書而玉樓忽召厥孫不隳儒業而雪案勤修
現今六十四歲守節三十六年嘉慶二十五

年題准

旌表建坊

陳氏儒童盧大招之妻年十七歸招僅生一子
而夫歿氏上事孀姑下撫幼兒爲姑請旌
表揚節孝嗣是家計日替氏辛勤操作爲子
娶婦連生三孫未幾子夫婦繼卒痛孫幼失
怙恃鞠育備至苦節四十九年享壽六十八
歲而歿詳請

旌表題准給銀建坊

劉氏儒童盧大疇之妻年十六于歸閨二年夫

暴病卒氏孝事孀姑紡績度日撫孤暗泣以
養以教嘗語孤曰祖父兩世惟爾一身幸生
二孫而撫又卒媳亦繼亡二孫俱幼氏以撫
孤者撫之教養婚娶皆氏之力苦節五十二
年現存七十歲族隣舉報題准

旌表建坊

郭氏儒童盧士珣妻年二十適盧門歸九年而
夫歿氏慟哭瀕死者數次家人勸止之食貧
茹苦奉尊嫜生養死葬咸能盡禮撫孤鞠子
教養悉憑十指守節三十一年而歿故兒能

南塘錄

卷十三

列女

完

不一人咸以爲節婦遺澤所留云題准

旌表建坊

鄧氏盧士伯髮妻十九歸盧琴瑟甚歡乃未幾
而士伯遽殞氏年時二十八一慟幾死姑慰
諭之曰上有老親下有幼子何可死豈不思
爲夫後計乎氏矢志甘受艱苦奉侍翁姑教
養二子婚喪盡禮守節四十六年享年七十
三而終道光元年題准

旌表建坊

尹氏儒童盧士僖之妻係蕪州雩都縣人年十九適僖逾十年而夫故氏哭泣盡哀矢志守節事翁姑愛敬兼至訓嗣子教養有恩或脫簪珥以資膏火故子得列膠庠食廩餼諸孫克紹書香人以爲苦節之報清操五十年年七十七而壽終道光元年題准

旌表建坊

康氏增廣生員盧士儻之妻上猶縣人十七歲歸儻逾二年而儻得血症而歿無嗣氏慟欲身殉賴家人救之姑勸之撫夫兄次子爲嗣

以繼夫祀氏意稍解備極艱辛奉姑盡孝訓兒以禮克自成立守節四十四年享年六十二而歿鄉族共稱之呈請詳報題准

旌表建坊

幸氏儒童盧士煌之妻年十八適煌閱五年而夫歿氏時年二十三長子僅三齡次子纔生九月舅姑年又老氏以婦道代子職撫二孤教養兼盡足跡不履戶外者三十九年歿年六十二題准

旌表建坊

邱氏儒童盧鎮夔妻籍贛州府贛縣人十九歸
夔爲室閨五年而夫故氏事姑以孝聞撫三
歲孤方長卽爲婚娶冀早得孫而孤又殞因
撫姪爲嗣完娶無出亦先氏而天又再撫姪
以延夫祀苦節貞內可謂至矣壽終嘉慶二
十三年八十四歲苦節六十二年題准

旌表建坊

劉氏儒童盧鎮蘭之繼妻係贛州府人年十九
歸蘭閨十年而夫亡氏時年二十八慟不欲
生顧始已老三孤並幼乃居貧茹苦以奉甘旨
及三孤方長又相繼病卒長孫亦亡孫曾俱
幼無依氏以一身撫三世遺孤苦節四十七
年現存七十四歲題准

旌表建坊

嚴氏儒童盧鎮稽之妻年十八歸盧門甫六年
遂失所天氏事翁姑盡孝撫孤教養兼至急
女紅以供膏火使子成名食餼皆氏力凄風
苦雨者五十七年歿年八十歲道光元年題

准

旌表建坊

陳氏儒童盧鎮裸妻年十八歸盧門二十生一子甫五齡而夫病劇氏籲天求代不獲號擗欲殉翁姑泣諭之曰若死成烈矣奈此呱呱者何氏節哀勉留上事二老皆得年踰上壽下以課子亦克樹立成名清操四十一年現存六十九歲道光元年題准

旌表建坊

賴氏爲儒童盧鎮濟妻歲貢賴夢覺之女也自幼許字盧門十九于歸鎮濟夫家故貧氏勤十指以佐朝夕奉甘旨于堂上不幸夫邁疾不愈又未有子而故氏撫姪爲嗣以養以教以迄成立爲婚娶甫生一孫而媳又亡子以家貧謀衣食于四方氏撫孫形影相吊悲風苦雨鄉隣無不哀之道光元年題准

旌表建坊

朱氏儒童盧鎮緯妻年十七歸緯結褵十載而夫忽云故家故貧氏勤十指謀肉食以養親嚴義方使貿易以教子荆釵裙布者五十年享壽七十六而歿族隣呈報詳請題准

旌表建坊

曾氏儒童盧鎮陪之妻年十七于歸闈八年而夫亡氏痛哭不欲生翁姑勉以撫孤爲重因毀容飲泣上事二親以孝下教孤子以慈茹藁嘗冰鄉里咸欽之守節三十九年現存六十三歲題准

旌表建坊

郭氏儒童盧鎮誘妻年三十喪夫哀泣失聲欲以死殉舅姑泣止之乃節哀順變以柏木獨矢上事翁姑孝敬盡禮撫姪爲嗣以承夫祀守節三十六年題准

南康縣志

卷十三 列女

三

旌表建坊

羅氏儒童盧鎮模之妻年十四歸盧門至二十六歲而夫故遺腹生一子氏撫摩鞠育備嘗艱苦夫故無兄弟舅姑養葬悉氏一人經理無何子及冠又天亡復撫夫從堂姪之子爲兒後以延夫緒守節六十年享壽八十五而終道光元年題准

旌表建坊

胡氏儒童盧鎮嶷之妻籍贛縣人年十九歸嶷至乾隆六年辛酉夫故時氏年二十八題准

孤艱苦備嘗守節四十二年壽六十九而歿
閭里皆欽羨之題准

旌表建坊

謝氏生員盧盤珠之妻係贛縣人年十九于歸
盧門閱九年方舉一子而夫卽故氏悲哀不
欲生翁姑泣止之氏忍痛上爲夫奉養二親
下撫藐孤隆師課讀故其子早年遊泮氏守
節四十九年歿年七十五歲道光元年題准

旌表建坊

顧氏郡庠生盧洪奎之繼室也籍浙江石門縣
人及笄歸盧甫四載奎以勤讀得咯血疾而
卒氏一痛幾絕矢以身殉翁姑媿諭之擇叔
子爲立後氏上奉二親以婦職而代子職下
撫藐孤以母道而兼父道清操茹苦守節四
十五年現存六十九歲呈請詳報題准

旌表建坊

鍾氏儒童盧洪鯨之妻年十八適鯨在室六年
而夫歿時氏年方二十四歲一慟幾絕念夫
無嗣乃擇姪承祧慈愛撫養以上慰舅姑之
歡守節三十三年人無間言現存五十七歲

子孫繞膝刈應詳報題准

旌表建坊

王氏儒童盧洪寯妻年二十歲歸寯家貧不能
卒讀氏紡績以助膏火夫得咯血疾年餘氏
奉湯藥維謹卒不起遺孤三歲氏茹蘗嘗茶
丁零勞苦每以不逮事翁姑爲恨凡春秋必
親詣掃祭守節三十四年現存六十一歲呈
請詳報題准

旌表建坊

朱氏儒童盧洪楷之妻上猶縣拔貢朱誥公女

也年十八于歸至乾隆乙丑楷遂病故夫家
素貧氏飲蘗茹荼泣曰吾非不欲從夫于地
下奈翁姑老矣衣食誰恃幼子呱呱養育誰
依未亡人不得不稍延殘喘以彌其闕鄉里
羣嘉嘆之道光元年題准

旌表建坊

林氏儒童盧洪安妻頓邑林民邦女年十六歸
廬至二十八而夫歿一子僅數齡立志撫孤
教養成成人爲婚娶婚未幾子夭媳亡痛哭欲
絕乃請於伯叔撫夫從弟子元進以承嗣夫

祀翁年邁病足氏躬親湯藥扶持及卒子幼
姪小喪塋皆氏一人經理守節五十一年享
年七十八而終道光元年題准

旌表建坊

郭氏邑增生盧洪程妻舉人郭廷柱之女年十
九于歸宜家十年而夫不幸故遺二孤方數
齡越逾年而二孤相繼又亡氏事舅姑晨昏
溫清喪葬盡禮迨胞姪長成生子乃撫之爲
長子後以延夫祀貞操三十一年歿年五十
八歲題准

旌表建坊

郭氏儒童盧洪宸妻年十七適盧門二十六歲
而夫故遺二子僅數齡氏哀慟迫切上念奉
養無人下顧六尺何依乃躬操作嚴課讀致
次子得早成名皆氏義方之訓也守節四十
一年歿年六十六歲鄉族詳請題准

旌表建坊

蕭氏儒童盧洪審之妻崇義縣隆平里人年十
八賦桃夭甫二載而忽驚鏡破氏時年方二
十也矢志自守撫夫二兒子爲嗣數歲又孀再

撫夫三兄子爲後教養婚配俱周奉翁姑以
供甘旨婦道克敦守節三十八年歿于嘉慶
乙亥年五十七歲族內呈請詳報題准

旌表建坊

陳氏生員盧洪璉之妻年十九適盧門琴瑟和
好者十年而所天忽歿氏上奉孀姑喪塋盡
禮兩撫夫兄子爲嗣教養婚配皆周守節三
十七年今存現年六十四歲道光元年題准

旌表建坊

王氏儒童盧洪曾之妻年十八適曾甫二載未

南康縣志

卷十三 列女

畧

及生育而夫遽亡氏號痛幾不欲生念翁姑
垂老無依夫又終鮮兄弟乃泣向堂上請命
立嗣越數載撫夫從姪爲兒以延宗緒襁褓
鞠育備極恩勤爲娶婦生孫皆節婦力也清
操三十二年歿時五十一歲族隣舉報詳請

旌表給銀建坊

朱氏生員盧雲髮妻年十九適雲至二十九而
夫病卒氏矢志守貞養姑撫兒幸得成立無
何而孤又天亡乃更撫孫現今年近六旬守
節三十年嘉慶二十四年詳請

旌表道光元年奉文建坊

黎氏儒童盧元庶妻年十七歸庶越二年而夫
亡時氏年十九尚未生育矢志守節撫夫弟
次子爲嗣食貧茹苦勤紡績以奉養孀姑與
八十祖姑鄉里共賢之貞操三十一年現年
四十九歲族隣舉報題准

旌表建坊

劉氏例贈儒林郎邑庠鄧書詒之妻從九職劉
甫煌之女也十七歸詒二十五夫亡遺孤一
年七齡欲相從於地下念翁姑與穉子無倚

南康縣志

卷十三

列女

哭

勉強偷活上奉垂白雙親極力孝敬下撫齠
齡一息悉由義方青年茹苦白首完操今其
子家浩克自成立援例授職州同爲母請封
安人現年五十有七道光三年詳請

旌表建坊

蔡氏何崇彬妻舉人蔡峻之孫女也年十五歸
彬生子一越七年而夫故氏時年二十二歲
慟欲身殉以遺孤僅二齡呱呱在抱因強留
以撫孤孤體弱善病數瀕於危氏禱於先靈
請身代以延夫祀竟得成立爲擇婚配連生

二孫苦節四十四年得壽六十有六目覩四世一堂咸以爲貞操所致云報縣詳請題

旌

劉氏鄧學深妻年十七歸鄧克盡婦職相夫攸宜甫及四載而學深遽逝氏矢志靡他男女未育因撫姪承嗣無何繼男又殤復立姪孫爲子後以續夫祀一生荼苦半世辛勤年臻五十有九守節三十九年報縣詳請題

旌

盧氏何順愉妻秉姿幽貞及笄于歸琴瑟靜好

南康縣志

卷十三

列女

晃

年二十二夫亡家無擔石上有老姑孀孤嫠營十指以度活茹蘗甘荼苦節三十三年現今五十五歲報縣詳請題

旌

邱氏廖騰蛟妻年十七于歸甫一載夫亡或憐其少勸之改適氏剪髮自誓遺腹生子陽春後陽春復卒又教育四孫家法嚴整爲邑所稱事翁姑尤敬養備至卒年七十有九乾隆二十四年郡守嵇瑛給匾旌獎之

藍啓瓊縣訪

李氏幸瑞橋妻年十五歸橋乾隆十年橋卒時

李年二十六歲柏舟自誓撫孤成立繼續先
祀孀居三十四年貞操如一于乾隆四十三
年年五十九歲而終 王國蘭採訪

胡氏儒童嚴悠詳妻幼適嚴年二十三而夫故
破鏡分飛孤鸞失偶欲從亡人于地下難拋
幼子于懷中茹柏承顏奉翁姑而罔缺丸熊
課後撫穉子以承嗣守節三十七年年屆週
甲而終 王國蘭採訪

劉氏幸學初妻及笄歸幸乾隆庚午氏年二十
三而夫故堅志孀守撫孤心怡不幸中年復

南康縣志

卷十三

列女

辛

歿借孀媳朱氏養孫成人守節五十年至嘉
慶五年終年七十有三歲 朱世繹採訪

林氏王永源妻幼適王年二十二歲夫逝冰柏
自矢家貧饔飧不繼紡績勤勞敬奉翁姑撫
孤詔以養以教食餼貢明經守節二十九年
于乾隆四十九年年五十歲而終 朱琴採訪

謝氏儒童嚴久親妻生于康熙壬寅年至乾隆
癸亥年夫故氏年二十二歲柏舟自矢家無
擔石勤女紅撫孤兒二人以承先嗣苦節四
十五載年六十有六而卒族內衿耆爲呈請

載志 王國蘭採訪

朱氏儒童李曰佻妻年十八歸李二十六而孀以禮自閑不因存亡異心上有慈姑家無儲粟長子年甫四齡次子產自遺腹撫養成立年四十有六而終本族爲列節行呈請入志
王宣珪採訪

王氏謝學芳妻事詳藝文傳 鍾辰採訪

張氏黃河祥之妻居藥塘江左羅木山下黃家村十七于歸二十六喪夫止生一子家窘乏氏矢志靡他備歷艱辛上奉翁姑下撫孤兒

南康縣志

卷十三

列女

五

幸子成立得數孫而子又逝復教養諸孫得年九十而終是青年守節白首完貞 鍾辰採訪

王氏儒童蔡大德妻年十八歸蔡甫七載而夫逝孤纔三齡矢志靡他事翁姑克盡婦職撫幼兒更兼父道不幸中年兒復故又育孫成人以繼先祀茹苦半世守節五十八載完貞
洪翰採訪

朱氏林大秀妻乾隆三十六年夫故時年近三十旬誓不再醮茹柏飲冰奉養翁姑撫育孤幼貞守三十七年至嘉慶十一年年登六十有

七而逝

蕭有蘭採訪

蕭氏儒童朱廷瀚妻年二十四夫歿矢志茹荼
孝事翁姑一子甫離襁褓旋復歿殤冰心不
二孀居三十年于乾隆五十三年去世年五
十有七歲姪孫呈請入志

蕭有蘭採訪

梁氏周家梓妻乾隆十三年梓遊寓西蜀卽于
是年物故氏年二十六歲聞音痛哭矢志不欲生
妯娌力為勸慰乃成服孀守撫孤成立備嘗
辛苦年七十有五去世守節四十餘年

洪翰

採訪

南康縣志

卷十三

列女

五

周氏劉德瑚妻年二十二歲夫亡矢志孀守勤
十指以奉舅姑繼嗣以承宗祧貞操六十五
載年八十有六其孫庠生啟魁呈請載志

董建

揮採

訪

黃氏何崇瀚妻年二十八夫故矢志靡他時祖
父及翁姑俱存家貧紡績奉養餽粥自甘教
子以義方閨門謹肅聲不外聞守節五十年

現年七十八歲

何日新採訪

劉氏葉大鍾妻乾隆己卯年歸葉甫二載夫故
氏年二十二生一女無子撫姪為嗣家貧守

節足不出戶庭孀居四十九年年七十有一卒
鍾辰採訪

楊氏同邑楊志崙之女年十七歸張道梯爲妻
乾隆乙酉年梯故氏年二十四悲哀不已欲
相從于地下姑慰之曰遺孤二歲一綫相延
汝死兒無恃宗祧何望乃遵姑命撫孤成立
英年由俊秀貢成均守節三十年年五十三
歲而終
周玉採訪

江氏董子漣妻十六適董合沓二年漣卽故氏
年十八冰柏自矢人或以年少微諷之正色

南康縣志

卷十三

列女

三

拒絕守節五十餘年年終七十有三
朱世繹採訪

李氏董子濱妻年十八于歸二十五歲夫故矢

志孀守茹荼飲水撫孤以繼宗祧閨闈嚴肅

貞操四十三年年六十有八而卒
葉逢春採訪

龔氏賴隆紳妻年十八歸賴乾隆丙午年夫故

時氏年二十二矢志節操遺孩甫二歲撫養

成立經理家政一如夫在時歷三十餘年如

一日門內稱爲賢婦現年六十歲
賴煦採訪

鄧氏國學生張科妻幼適張年二十七科去世

堅志守節誓無二心事姑嫜而菽水承歡撫

養子而熊丸課讀年臻七十有八而卒守節
五十一年 熊藻採訪

劉氏庠生李曰儼妻十七于歸越二載而夫歿
氏年十有九誓從一而終形單影隻並無遺
孤擇姪承祧奉姑常侍左右鬻子備及艱辛
族間公爲呈請入志 王宣珏採訪

黃氏梁宗通妻幼字梁乾隆己亥年夫故氏年
二十八于甫六齡冰雪存心家業蕭條勤紡
績以奉養重慈撫遺孤教育兼至苦節四十
二年孫曾輩出年屆七旬歿于道光辛巳年

南康縣志

卷十三

列女

五

盧承澤
採訪

李氏徐盛漣妻十七歸徐越兩歲而夫逝青年
孀守維時無嗣可撫翁姑衰邁敬奉順養弗
怠至嘉慶六年撫姪爲嗣宗祧賴以不墜苦
節五十一載現今七十歲 董建輝採訪

伍氏董學元妻十九賦桃夭二十五歲夫逝貞
操自勵不以存亡易心整肅持家撫孤以成
夫志孀守三十九年卒時六十有四歲 董建
輝採訪

訪

鍾氏林志許髮妻乾隆壬寅年許卒年二十六

歲堅操自矢孝敬節姑奉養不懈撫養遺孤
繼續先人宗嗣守節四十二年現年六十八
歲無力請旌其孫呈請入志 林正椿採訪

劉氏邑增生賴相標繼室年二十四于歸甫二
歲夫即逝矢志守節家以詩書為世業並無
遺產茹柏飲冰奉慈幃如親母撫遺孤如已
出訓子均遊泮孫均邑增封食餼府庠曾孫
繞膝貞操四十載現年六十有五節而兼
孝慈者 賴恒倬採訪

袁氏顛邑猷選女職員朱世縵妻年十八于歸

南康縣志

卷十三 列女

五

乾隆庚戌縵故苦節自矢上奉高堂下育幼
孤念夫家世邀冠帶恐後人不克繼緒以養
以教母兼父道長次嗣坤坦入成均三增入
膠庠親見家孫英破食餼現年六十有五守
節三十餘年增學使顧所取士也獎以貞靜
能壽匾額 賴煦採訪

黎氏曾昌經妻乾隆癸卯年經物故時氏年二
十五子方九齡苦節自勵上奉翁姑撫孤兒
以繼續先嗣雖井臼自操介然守禮不渝現
年六十有五歲守節四十年 賴佩蘭採訪

蕭氏幸西亭妻乾隆四十七年夫故氏年二十七柏舟自矢孤來儀方數歲撫養婚配儀甫冠復卒又偕孀媳鞠育孫成人守節四十二年六十有八而終朱世繹採訪

劉氏朱錫珪妻年二十一夫亡遺孤元苞甫三歲劉堅志苦節奉姑以孝撫孤有成孫魁先年十八亦遊泮孀守四十餘年現年六十有五教養兼備人稱賢母云盧承澤採訪

蔣氏儒童劉傳輝妻年二十四夫故遺一子早亡宛宛無依冰心自矢守節四十年現今六

南康縣志

卷十三

列女

妻

十有四歲族里共稱貞操爲呈請入志

周玉採訪

曾氏贛邑道輝女及笄歸國學朱世紱爲妻乾隆

隆庚戌紱故氏矢志守節奉翁姑以孝撫兒

女以慈教養兼至長次封埜皆成名三坡食

餼郡庠孫偉侶俱齠齡入膠庠偉食餼貞操

三十四年現年六十有四歲

董建輝採訪

蔡氏選拔謝學仕髮妻猶邑蔡錫女乾隆庚戌

仕應朝考歿于京邸氏聞悲號欲絕貞操

自矢孝敬舅姑並無間言撫伯仲子各一爲

嗣訓迪成立守節三十四年現年六十二歲

李日寬
採訪

朱氏余政傑妻年十四歸傑乾隆戊申年傑卒
氏年二十九矢志守節事姑遵教水承歡撫
子從祖訓養入泮茹苦三十五年現年六十
有四歲 盧承澤採訪

朱氏吳朝林髮妻十八于歸二十六夫亡時遺
孤廷福僅四齡氏誓志撫育孝奉翁姑未幾
孤舉一子而又天氏偕孀媳再撫孫以承宗
祧苦守三十七載現年六十三歲 盧承澤採訪

南康縣志 卷十三 列女

七

適黃十六成配至二十七而夫亡生子一矢
志孀守上潔洗腆下勤教育俱賴氏堅操艱
苦支持現年六十有一妯娌咸無間言足徵
其淑慎云 鍾辰採訪

許氏儒童劉傳初妻年二十而夫逝哀毀踰禮
青年守志白首不移翁姑垂邁奉湯藥罔懈
更四十寒暑年已週甲一如伉儷訣別時 熊藻採訪

廖氏儒童王蘊山妻幼許字王十三于歸伉儷
十載夫故時氏年二十三歲冰孀勵節上奉

老姑下撫繼孩孀居三十餘年年躋六旬梓里嘉其堅操族爲連名呈請人志王國蘭採訪

伍氏儒童蒙貽圭妻十六歸蒙越三載而夫故哀號欲絕時遺腹在脈翁姑慰以承宗祀爲重乃矢志孀守後數月幸生子茹苦含辛仰事俯育憑女紅以養生三十年如一日守節四十有八歲而卒李秉鈞採訪

王氏幸鵬理聘妻二歲歸幸尙未合卺乾隆辛丑年理物故氏年十六或諷以年少未婚禮許再醮氏堅拒不納誓志守節撫姪爲嗣養

育如已出現年五十八歲苦節四十三年王國蘭採訪

南康縣志 卷十三 列女 五十八

黃氏庠生董學柄妻十六于歸越五載而夫卒堅志孀守敬奉翁姑茹荼半世貞同松柏勤織一生撫孤教養成名守節三十四年現年五十七歲葉逢春採訪

鄒氏庠生盧元适妻年十七于歸越九載适故氏年二十五矢志貞操孤僅過痛懷在抱大父母翁姑俱年老家素貧奉養無缺至道光

二年年五十有六而卒守節三十一年盧承澤採訪

訪

朱氏幸梯雲妻及笄適梯雲年二十二夫故隨

姑孀守如母子然撫遺孤以養以教至于成

名節操三十五年現年五十七歲不世釋採訪

鍾氏盧元懋妻上猶縣歲貢生鍾嘉琪之室女

年十九歸懋嘉慶二年丁巳夫卒時氏年三

十矢節不二上有孀姑孝養朝夕弗懈撫姪

昌承為嗣勤苦養教現入府庠貞操二十七

年現今五十有六歲盧承澤採訪

盧氏何順承妻年及笄適何二十五歲喪夫止

南康縣志

卷十三

列女

五十九

生一女撫姪繼嗣冰雪為心姑多病侍湯藥

晝夜不倦家貧無措資十指以營生養生送

死克終大事訓子以詩書不以窘乏失業守

節二十六年何日新採訪

董氏古沛林妻年十八于歸廿五歲夫歿遺孤

甫四齡上有老姑氏矢志孀守奉養盡敬下

撫穉幼成人貞操五十餘年現年踰八十五

世同堂人以為貞節之報云賴佩蘭採訪

賴氏林正銓妻國學生賴名揚之女年十八歸

銓廿一夫故生子一復天亡矢志守節家貧

依父家過活一日揭其翁姑及夫神主至父家父曰林氏之主胡爲祀于賴氏之家氏曰非敢然念家中無人奉祀願借一房居住供香燈盂飯耳自是勤十指以幫供給節而兼孝愷愷四十七年年六十八歲而卒 李秉鈞

採訪

蕭氏熊家渙妻年十九賦桃夭乾隆十八年渙身故氏年廿七矢志孀守上奉老姑下撫幼孩郊無半畝之田家有數口之給惟女紅是藉未幾遺孤復亡撫孫成立辛苦備嘗守節

南康縣志

卷十三 列女

六十

四十二年至嘉慶二十三年六十九歲而卒
學憲顧給匾旌獎 劉元綱採訪

賴氏鍾傳檉妻幼適鍾家年二十四歲檉卒堅志孀守上敬翁姑下訓孤子茹柏飲冰秉禮度義閨闈中視爲程式苦節四十二年至六十六歲而終族間連名具結呈請入志 盧承

澤採訪

嚴氏鍾傳榜妻年十五歸榜十九喪耦儲無擔石影獨孤鸞勤十指以事舅姑繼一子以承宗祧四十五載之貞心閭里共仰六十三年

之堅操閨闈同欽族間爲表幽光公呈結報

載乘盧承澤採訪

盧氏鍾傳德妻年二十于歸至廿八而夫逝矢志靡他立心不二事白髮高堂皆由至性撫黃口幼子悉本義方守節三十三年現今六十一歲松節冰心洵爲巾幗完人族隣公呈並請載入邑乘洪瑄採訪

李氏仲華仕妻幼適仲乾隆四十五年華仕身故氏年廿二矢志貞守翁姑年邁竭力奉養撫育孤兒並無資藉惟憑紡績度活現今六

南康縣志

卷十三

列女

六一

十五歲守節四十三年是所謂苦節堅操者
李日寬採訪

方氏萬安國學生貞彬之女年十六適北鄉蔣日湄爲妻至乾隆五十七年夫歿氏年三十從一而終事翁姑克竭敬養育穉幼得覩成人荼苦一生婦盡子職母兼父道守節三十三年現今六十二歲熊藻採訪

王氏顙恒鈞妻年及笄歸鈞嘉慶三年鈞卒氏年廿九矢志孀居念父族與夫族世循禮法長守閨闈人罕識其面奉高堂克盡敬養撫

幼孤勗以儉勤家貧供膳無資藉紡績女紅以度日苦節二十七年堅無異志現年五十有五歲 鍾辰採訪

何氏邑廩葉連春妻營千何韜之女十六于歸十載而夫故並未生育撫二姪苓菊爲嗣一若已出敬事舅姑貞操以成夫志足不出戶處訓養秀苓列成均秀菊入泮現年五十歲 賴煦採訪

董氏武庠李永淮妻嘉慶己未年夫故氏年二十八遺一子甫六齡教養成入上奉高堂內

南康縣志

卷十三 列女

李二

操家政堅節自矢歷廿七年現今五十四歲其子成均長春呈請入志 鍾辰採訪

郭氏廬洪恩妻十九于歸乾隆五十一年夫歿時氏年廿四茹柏苦守矢志不移並未生子撫螟蛉爲兒零丁孤苦脩嘗艱辛至嘉慶廿一年年五十四歲而卒守節三十年族間連

名公舉 廬承澤採訪

鄧氏儒童劉昌貴妻乾隆癸丑年夫故氏年廿五癯獨無依矢志孀守紡績以奉翁姑耐貧撫孤現年五十五歲守節三十年族間嘉其

貞操咸爲呈請入志 張攀桂採訪

陳氏儒童盧元紱妻年二十歸盧甫三載夫卒
氏年廿三痛夫早逝矢志貞守撫姪以續夫
嗣家素貧承菽水以事翁姑勤紡績以課兒
讀歷盡艱難守節三十年現今五十二歲 盧

承澤採訪

張氏盧洪鮮妻年十八歸鮮念八夫卒青年矢
志撫三歲孤兒孝奉舅姑紡績以佐甘旨備
嘗艱辛皓首如一現年五十有五歲苦節二
十八年族間紳耆十餘輩爲具公呈請載邑

南康縣志

卷十二

列女

十三

乘 盧承澤採訪

劉氏儒童熊體中妻及笄歸熊年廿八夫故貞
心不二惟以養親撫孤爲務勤女紅以佐讀
言笑不苟守節二十餘年現年五十有三族
間爲呈請入志 張攀桂採訪

許氏張崇諧妻乾隆庚戌年諧身故氏年方十
八尙未生育熒熒才立矢志孀守撫姪步華
爲嗣一如所生貞操三十五年現年五十有
二 周玉採訪

蕭氏儒童董學相妻年十七歸董結褵三載而

夫故氏年方二十冰操自矢遺腹生一子撫
育成入教養兼至以繼先嗣守節三十一年
年臻五十而卒 葉逢春採訪

鄧氏明世灝妻年十六于歸越三載而夫去世
青年誓守上奉翁姑下鞠幼孤備盡勤劬內
外均無間言孀居三十三年冰操如一現年
五十一歲 熊藻採訪

盧氏邱萬涓妻年十七歸涓乾隆丙午年涓身
故時氏年二十哀慟不欲生並未生育誓不
改醮翁姑已逝奉養祖父母孝順盡禮守節

南康縣志

卷十三

列女

六四

十八年于嘉慶癸亥年年三十有八而卒 盧承澤採訪

徐氏盧洪忻妻十八于歸年廿九而失偶誓志
靡他貞操不貳逮事舅姑勤紡績而供菽水
再撫繼嗣課熊丸而採芹香冰操二十三載
儀範堪式現今五十有一歲族內呈請入志
盧承澤採訪

王氏盧洪憐妻廿三結褵越兩春破鏡分飛脩
甘旨以奉翁姑糟糠自茹撫幼孤以承繼嗣
瓜瓞長延守節二十三年年四十有六而卒

族矜嘉其貞操爲呈請載入邑乘

盧承澤採訪

鄧氏呈一圖七甲生員羅雲妻年十八適雲廿

八而雲歿氏孀居貞潔心同皓月事姑極孝

色養備至撫孤子有琴成人名列國學年四

十八而卒守節廿一載嘉慶十一年邑侯楊

給以彤管流輝匾額

周玉採訪

宋氏劉永瑚妻夫婦同庚乾隆壬戌年夫故誓

志靡他善事姑侍奉十餘年姑卒盡哀盡禮

一子文炳甫七齡體夫心教養兼至入泮後

尤懇懃課讀持內政勤于女職閨門視爲儀

南康縣志

卷十三

列女

六十五

範守節廿餘年現今年五十歲

朱世鐸採訪

蒙氏儒童幸來彬妻年十六歸幸彬病篤朝夕

跪叩神祈願以身代丁巳彬卒悲哀欲殉念

孤幼不忍棄厥後子復多病氏鞠養備至竟

獲痊可且誕育多孫亦貞節之報也孀居二

十三年年四十七而終

何日新採訪

李氏儒童謝振鸞妻年十九歸鸞甫三載而夫

歿氏年方廿一止生一子世享總數月矢志

守節堅操不移未幾享復天再撫孫以承夫

嗣貞操廿八載旌隣呈請入志

李日寬採訪

林氏曹榮迪妻及笄歸曹乾隆四十二年夫故
氏年二十一遺孤纏四齡翁姑年俱六旬有
餘家復清貧氏苦節自貞生養歿葬皆盡敬
盡禮撫孤華英得列膠庠至嘉慶二十二年
年屆週甲守節四十年學諭彭詳請 學憲
顧給以節孝延年匾額 藍啟瓊採訪

李氏儒童鍾世洙妻十九于歸二十六歲而失
偶鸞鏡分飛柏舟自矢堂遺一老奉祖姑而
克孝家徒四壁鞠孤子而又亡苦節一十六
載年四十有一而身故 洪翰採訪

劉氏儒童何順炳妻年十七適炳二十三歲夫
亡遺孤一矢志孀守上奉翁姑克誠克敬下
字孤子以長以成紡績織紉遵穆姜之遺訓
破鏡于青年卹綿于白首貞操二十九年至
五十一歲而終 何日新採訪

南康縣志卷之十四

祥異志

嘗考六順致祥六逆致異經史所書災祥之變不一皆聖賢做人恐懼修省蓋天人相與之際微矣南康自宋以前史志闕畧紹興以後日蝕星隕之變甘露有年之瑞下及昆蟲草木之異無代無之茲謹倣編年紀月體分析註明使後之人得以知氣運之盛衰時政之得失民生之禍福雖曰天命豈非人事哉

宋

南康縣志

卷十四

祥異

一

雍熙二年冬大雨雪厚三尺江水冰合可勝重

載綱目

咸平

四年

辛丑正月丙寅太白晝見在南斗兩時沒壬寅三月丙午星晝出至南斗

沒光丈餘

紹興十三年雷雨大作羣狐震死巖穴中

巖石皆裂

二十二年甘露降於縣治之古松

乾道九年秋曠

元

元貞元年乙未六月江西諸郡大水民乏食命

有司賑之

天曆三年大饑有田之家盡室殍死
順帝十六年有星從東南流色如火芒如曳篲
墮地有聲久之化為石狀如狗頭
十七年十月丁卯歲星太白熒惑聚會南斗是
歲元亡

明

洪武十三年庚申夏水

永樂二十二年九月戊戌有星見南斗大如椀
色黃白光燭地有聲如撒沙石

成化二年丙戌春三月大雨雹夏旱

南康縣志

卷十四

祥異

二

四年戊子夏城西吳益謙家盆蓮雙葩並蒂

二十一年乙巳秋七月大水漂民田廬鹿鳴鄉
尤甚

二十二年丙戌四月不雨至秋七月乃雨

宏治庚申夏五六月開大水沒城者六日

正德元年丙寅冬十一月地震

五年庚午夏火自蘓步坊至雍和坊民房盡燒

六年辛未夏火

七年冬又火

十一年丙子夏縣譙樓鐘忽自動而鳴是年謝

志珊逼城有司多方戒備鎔鉄以淋賊車因
毀是鐘

嘉靖七年戊子夏火

十年辛卯夏白晝有虎入傳法寺

十五年丙申夏五月雨霽有巨魚長數丈遊學
前江中揚其鬚鬣至蓉江門復順流而下

六月城西吳可弼家甘露降於樹蘭凡七日
二十三年甲辰冬大疫

三十年辛亥秋九月庚戌大風自北而南拔樹
裂瓦猛號駭人

南康縣志

卷十四

祥異

三

三十二年癸丑春三月大風雷繼以雨雹

三十三年甲寅夏五月劉氏南莊池蓮雙花同
蒂並實蔡世新題其池亭曰瑞蓮

萬曆五年十月戊子彗星見西南蒼白色長數
丈氣成白虹由箕尾越斗牛逼女經月而滅

四十四年丙辰夏五月大水城東民居漂沒
四十八年庚申夏彗星見

崇正五年壬申冬十月天雨黑米

十五年壬午夏六月烈風傾縣譙樓

順治二年乙酉冬晝東北白氣一道冲天至西南止

順治三年丙戌春二月大雨雹秋大疫延至丁亥春死者無數

四年丁亥夏四月風雷雨雹拔木裂瓦西門城樓及進士劉昭文石坊石頭寺文昌塔俱摧折

五年戊子夏饑饉米騰貴

七年庚寅臘月地震

九年壬辰秋九月王在錦花園海榴七花並蒂

南康縣志

卷十四

祥異

四

圖大如毬

十年癸巳虎白日攫人行人絕踪蓮塘爲甚

十四年丁酉四月不雨大無禾秋大雹

康熙三年甲辰冬彗星見

四年乙巳夏四月大旱至七月中乃雨

七年戊申春夜有星如鎗自西指東是年有秋

穀價平

十三年甲寅夏夜空中火光燭天自北至南而落其聲震聳是年三藩叛

十五年丙辰春粵賊入寇

三十三年甲戌五月大水入城城東民舍傾塌
百餘間

四十三年甲申春饑斗米錢二百

四十六年丁亥縣廨一雄雉不用樊籠握粟呼
之飲啄自如飛去復來率以爲常

四十七年戊子七月夜雷震南山是科黃瑞李
曰謨俱領鄉薦

四十八年己丑縣廨丹榴華萼叢生團結開放
大如拳飽若火兩月不凋

四十九年庚寅六月縣署盈蓮一枝雙蒂其花

南康縣志

卷十四

祥異

五

左九瓣蓮葯十七粒右十瓣蓮葯二十粒應
奇偶之數云冬大雪

五十二年癸巳夏淫雨月餘至五月十八大水
沿河漂沒田廬

五十五年丙申田家產一牛五足中一足懸不
踐地爲好事者以銀易去

六十年辛丑夏大旱至閏七月乃雨九月初一
嚴霜如雪永不實

雍正二年甲辰卿雲現

三年乙巳藍田渡舟覆溺斃二十餘人

五年丁未夏大水逆流入城

是年四月某日三更時南街店房被火燒去數十間折毀數十間觀者無不驚異

七年己酉二月蘓步井水洶到井欄口湧兩時

漸退

是年五月南康同大庾二縣大水冲壞房屋等項奏

聞奉

諭旨給發帑銀四千六百兩布政使李蘭親臨查明

分賑

備志

南康縣志

卷十四

祥異

六

是年各處黃竹開花結實如麥

雍正十年壬子四月甘露降于縣署內瑞露軒

是時天朗氣清自空而墜承于掌上味之甚

甘知縣孫穀驗實上其事因時禁令未敢頌

祥瑞故未以

聞在昔宋紹興二十二年甘露降于縣治之古松至明嘉靖十五年甘露降于城西吳可弼家樹蘭并今三次矣

是年雷復震南山泮宮遍地草發紅花是科領鄉薦者文武共六人文則何琦林大綱王永

選王崇瞻武則李曰講賴勤

十一年癸丑芝產林必雲家園墻半壁與盆蘭並茂觀者驚異咸以爲善氣感云蓋必雲鄉之謹厚人也安分守己常勸人勿作非分之想而人亦化焉噫爲所化者殆所謂與善人居如入芝蘭之室乎矧其人之先自善者乎然則芝蘭之祥瑞豈偶然也哉

是年春大霖雨

是年四月十八日辰巳時大水逆流入城深尺許城東民居傾頽

南康縣志

卷十四

祥異

七

十三年甲寅三月二十二日雨雹合境屋瓦礮裂麥菜等物被壓

乾隆十一年丙寅五月十九日雨雹

十七年夏石米叁兩民無憂色

乾隆二十九年甲申大水唐江尤甚漂沒民居無算

三十八年癸巳大有年

四十二年丁酉雨雹大者如拳

五十一年丙午自夏四月不雨至秋八月無旱稻秋收亦歉大饑至五十二年春死者相枕

藉

五十五年北鄉南良村里民鄧春山以五世同
堂

恩給昇平人瑞匾額旌其門

六十年乙卯歲荒匪乘凶攘奪藉賢宰劉詳辦
梟首五人各墟示衆邑賴以安

嘉慶五年庚申大熟

十三年戊辰五月大水漂沒近河房屋田畝

十四年己巳水南耆民劉其忠壽登百歲子四
年近古稀欲爲呈報其忠執不可曰吾儕小

南康縣志

卷十四

祥異

八

民敢邀

恩典乎後至一百三歲而終

十七年壬申正月東大街火延燒店房數十間
二十年甲戌三月地震屋動夏復大水
道光三年癸未春秋俱大熟黍稻陳陳相因

古蹟志

鴻爪無定蚤齧猶存惟人往而蹟留其道乃傳諸久遠西方榛苓南國甘棠其樹其人繫思焉若是古蹟尚可没乎茲南康所紀斷自有宋或桑梓之前哲或羈旅之寓賢一堂一亭一池一閣與其人而俱古非其人能自古其蹟留於人心而古之也然則公論在天下何嘗一日亡哉有志者可以興矣

九經臺在城北旭山因田闢九子各授一經而名後子俱舉孝廉內四子登甲第

南康縣志

卷十四 古蹟

一

書臺在縣治北二里九日山宋宰相陳升之生於簿解在娠時母夢九日山神後宰邑遂於山築讀書臺以識其蹟臺與九經臺相望日以頽圯明嘉靖十三年邑尹汪宜之丞王泰倡建書堂及樓隆慶間尹余世儒重修聚邑人士講學其間尚書王宏誨郡人劉節並有記

翠微亭在縣治內宋相陳升之父爲主簿時以石登臺構亭其上扁曰翠微紹興間邑令劉將之易名陳公臺

縣尉司在治東迎恩門內宋紹定中縣尉戴嘉甫

重建元末兵燬洪武初知縣周以中卽其基
頒發字民銘在縣治儀門內宋咸淳六年御製并
書刻石

八桂堂在縣治東北宋紹興初寇毀公廨邑令趙
公瑾復建縣治翼東西兩廡東曰八桂堂西未
命名元大德間以八桂堂爲達魯花赤廳元季
兵毀改爲縣丞廨順治丁亥兵火基詳後

採月亭在縣治西宋紹定間邑令劉夢祖因新縣
治築之改縣尹公廨

序賢小亭在縣治皆春亭前宋紹定間邑令梁現
建歲春秋季試後集士射以觀德元末兵廢明
改爲主簿公廨順治丁亥兵火基存

瑞露軒在縣治內宋縣令陳廷傑有善政甘露降
於古松因以名軒紹定戊子寇毀康熙四十八
年邑令申毓來復建於內署之左

琴月亭在主簿廳前元大德壬寅邑長詣都刺建
元末兵毀

梅隱蟠松亭在縣東百步宋紹興甲子尉戴嘉甫
建紹定戊子寇毀

愛理堂在主簿廳前洪武二年主簿胡德可創翰

林學士張以寧記久廢記見藝文

接官亭在縣東太平里元季壬辰兵毀

放生池在清真觀前以濠爲池秋冬輒涸淳熙丁酉父老請於官以南江上下十里間禁民網罟辛丑邑宰曾三復建放生亭於南江之上

蘇步坊并在縣東蘇步坊下井深水寒冽可汲

白鶴池在縣東今爲民居

仙臺觀井有二在觀三清殿東前後相對如呂字俗傳呂仙寓觀開鑿故名因兵燹改建西竺庵皇仙臺在縣治北相傳有皇甫道人於此修煉成

仙故名

郡守游紹安銅鐘歌并序

卽唐進士陽坤所銘之鐘

南安府大堂有銅鐘一口對鼓架於西視堂開門敲雲板擊鼓退則板鼓偕鳴鐘亦與焉余以堂無鐘制詢諸老胥役不知其由因就視之式直垂度今量深二尺一寸肩圍圓三尺二寸口四尺六寸紐兩虬左右首分舒拱身三爪有角負物橫偃仰頸面似人亦三爪殆蒲牢乎上下截八眶橫直界陽線眶內各鑄識拂拭摩抄記唐開元鑄用銅三百斤屈指千餘年矣色故浮

綠砂斑隱見質殊光賦疑經飾者撞以鎚聲比
拊尤清長夫南郡僻處嶺表襟喉之地崇峻之
鄉代遭兵燹稱舊族者無舊物余嘗謂南安兩
城三古一爲寶界寺猶唐規址面貌已更一爲
丞署榕樹約數抱蔭可幾畝一卽鐘也顧令其
侍官府伺兩衙與與皂爲伍屈甚矣將移之真
宮梵宇俾置身清淨道場是鐘則從法輪中歷
劫而來將懸諸書院爲誦讀人早夜警醒又恐
典守失常仍不免流離播遷鐘何以自擇毋寧
仍居茲堂有官爲主好事不敢盜強梁不敢欺

風雨不得蝕乎官可長恃否鐘閱世深宜自審
繼自今戒勿供使令鐘可以緘口靜觀坐斯堂
者其人其事默而識之可

藐余身兮坐黃堂排兩衙兮金聲揚非冶鐵兮
銅鏗鏘灌予耳兮徹肺腸制高雅兮音清商色
浮綠兮斑朱黃攷成形兮鑄自唐產何處兮籍
南康洞清觀兮道女郎出劫灰兮棲禪廊勾判
縣兮曰姓陽唐宋亡兮元繼皇傳至大兮四易
王通真院兮總管將何移郡兮實未詳日供奉
兮鬧熱場憐非地兮心傍徨歌以慰之勿感傷

并系銘兮誌不忘銘口鐘叶角兮時雨賜鐘叶
徵兮豐稻梁鐘叶商兮雲漢章鐘叶羽兮人壽

疆鐘叶宮兮 國朝卜年億萬長

七星臺大小七土墩在縣西附郭羅列如七星然

到縣來龍過脉於附監李逢軾宅內至對戶舉

人王崇暉宅後始突起一墩爲結縣城主星周

廣方二十餘丈高可二丈許上頗宏廠形家謂此宜建

亭閣爲縣龍臺起峯巒此爲一星離城濠止一矢之遙乾

隆十三年爲居民周圍築墻邑紳士稟縣令鄧

公蘭際看果爲一邑風龍所關飭令無許平去

南康縣志

卷十四 古蹟

五

當立案存縣其餘六星遠近與此相望俱可跡
可稽歲久基混其結縣主星一墩復爲近地居
民黃金萬侵佔造房道光三年經邑宰劉公繩
武勘明估墩屬實飭令盡行拆毀現出全墩丈
定界址讞語載後案存戶房

邑宰劉公讞

查公地不得私踞而合邑風龍緊要之所猶不
容以侵損誠以所關者衆非特一人一家已也
南康縣之西門外橫街上離城濠一箭許有墩
曰七星臺大小有七羅列如七星故名縣之來

龍過脉實由於此而先年舉人王崇暉屋後一墩尤爲突出誠結縣主星也乾隆十三年邑象紳因該墩地爲居民侵佔稟請鄧前縣踏勘飭令無許乎去立案嗣乾隆十八年纂修縣志載周廣方二十餘丈高二丈許並未註清丈尺亦未立明界址迄今七十餘年志未續修而古蹟亦無復清理以致輾轉相沿仍復侵佔茲于道光三年值上憲檄取縣志以彙修省志經本署縣出示曉諭凡山川人物及一切公地古蹟公租均應查明入志旋據紳士等以侵佔公地

具呈粘單請勘而民人黃金萬亦卽稟明前來詞稱在墩東改造住屋并未移侵墩內請勘等情本署縣于六月二十二日親詣該處勘得該墩之西脚有牆一道外係竹巷與郭健行園屋交界南脚有牆一道外係李東暘黃登眉住屋卽先年舉人王崇暉屋界北脚無牆離墩稍遠有牆一道外係古巷與蔣志倫曾大福傅德榮等住屋交界此三方墩脚皆斜下惟正東無牆墩無脚斬然齊截通墩二尺許卽黃金萬新造住屋當卽量墩右西南角至東南角六丈零四

寸前東南角至東北角六丈零四寸左西北角至東北角六丈五尺後西南角至西北角六丈零四寸查黃金萬所呈買契係嘉慶十八年買王日亭之業契載東至鍾宅田塘勘及西乾坊會內田勘爲界南至黃李王宅屋脚爲界西至竹巷本園牆爲界北至竹巷本園牆爲界東至西十四丈七尺南至北十八丈一尺查墩子前之業係乾隆五十一年王日亭之父王榮徵買自賴姓者契後批明園內竹墩一個係縣內七星臺古志并未賣在契內日後不得挖傷添造

墩左之業係乾隆五十二年王榮徵買自同王姓者契內載直至官大路十四丈五尺橫至墩子上背牆脚下十四丈橫直左右共二十八丈五尺又據呈老契康熙四十八年賴益秀買賴姓牆園地基一塊細查所填丈尺字面係于墨蓋殊墨跡又復濃淡不一情弊顯然不足憑信而乾隆五十一年墩子前未載丈尺乾隆五十二年墩北之契載直十四丈五尺至嘉慶十八年黃金萬一契全買忽載東至西十四丈七尺何遽加增且墩係古蹟公地自應除出今混以

西至竹巷平圍牆爲界是連墩買在契內矣又云東至西十四丈七尺亦連墩丈入契內矣不然是以墩北之丈尺影射墩子前之丈尺並以墩前橫量之丈尺影射墩身橫量之丈尺無疑矣謂非侵伯公地其誰信之况查訊賣業王榮徵之子王日亭社長賴開炳隣佑郭健行蔣志倫黃登眉等均稱向無逼墩坐西向東住屋只墩左有坐北向南房屋前面有坐西向東店皆離墩遠乃黃金萬不顧合邑風龍所關公然逼墩豎造只爲私圖截斷風水大屬不合斷令黃金萬將屋折移于左邊建造使墩顯出東直出至大路已丈清計七丈五尺卽以十四丈七尺折半墩有六丈零四寸應交墩前空地附近地一丈三尺一寸歸墩以培墩脚豎牆從前有路進墩空地出路一條寬五尺直出至大路餘土歸黃金萬管業只許栽種菜蔬不准騎壓豎造房屋亦不得安墳鑿井致傷龍脉靠墩北空地既係墩前橫量影射則除墩無復十八丈一尺矣卽以十八丈一尺折半墩有六丈零四寸應交出墩北附近空地三丈零一寸歸墩以便豎牆

護墩餘土歸黃金萬管業黃金萬所呈新舊各
契均有影射星墩情弊契內界址不足爲憑今
以斷案丈尺立明界址原契發還叔執嗣後毋
再故犯致干嚴究至佔造房屋本應克公仍治
以應得之罪姑念到案俯首認咎不敢狡執從
寬免其克公治罪取結完案此判

塋墓志

塋墓何以志以其人之賢志也出郭而覽荒邱馬鬣牛眠枕藉阡陌而人之湮沒無聞者指不勝屈然一士之壟王公爲之禁採樵五人之塚薦紳爲之勒碑碣其故何哉地藉人以顯也諸賢墓之在南康者某水某邱至今人識其處又載之於書以示不忘愛其屋兼及其烏思其德勿傷其樹可見人生不朽之故更自有在則三尺之封一抔之土足以啟發後人者當未有艾也噫足以風矣

樊將軍墓舊稱樊噲墓也在縣西南金豐里羊坑基二三十丈四圍板石狀如覆鐘別有樊坑去縣二十里有樊將軍宅基噲沛人不應有墓在此必因樊氏墓遂傳噲云

王小姑墓在縣北崇信里峩山墓五六十丈父老云小姑王延郎之族女也

大隱居士田闢墓在洋江口梁仙觀背

御史田如鰲墓在洋江口察院坑故老相傳宋時御賜塋祭

賢女墓在縣西三十里賢女潭北岸祠前今其墳

現存

經元蔡元登墓在羊嶺頭鯉魚山

叅政蔡運墓在義仁廟地名伏潭舖羅垵邑宰馬親助訛

斷詳明撫臬北至山頂西至坑尾界楊姓山南至藍姓田塘東至大河

贈中郎李德新墓遷葬綠田蘆塘裡光祿寺署正陳駿撰墓表

知府李琦墓遷葬三迳里牛欄坑御史宋元端撰

碑文

進士賴禮墓在城北鯉魚山翅穴

進士蔡彬墓在旭山配李氏合葬

御史王時習墓在太平里高州浮石之原叅議黃

南康縣志

卷十四 塋墓

二

翰撰墓誌

副使張用中墓在義仁都古城嶺配蔡氏合葬

御史陳讓墓在長伯里坪田大塘尾

評事何晉墓在長伯里陳陂頭仙鶴橋

通判賴驄墓在金豐都地名雙井刑部侍郎劉節

撰墓誌

國子監博士郭溥墓在鍾嶺上松山下

知縣郭宣墓在長伯里椒坑牛形

知縣郭瑞墓在河嶼裏

知縣郭日貢墓在鯉魚山

斷事郭秀墓在金盆山

知縣郭處賢墓在甘竹堡陂下虎形

同知郭希夔墓在金盆山湖廣布政章貢謝詔撰墓誌

忠義王溥霖字宏敷號說巖墓牛牯堡土龍橋頭龜形其墳山環圍計一百十餘丈墳前兩水朝合甲寅兵燹環山茂草被人冒據至乾隆五年有將此地出賣是時得房孫王永瑞字霞五者訪知慨然捐數十金贖回復捐金重修原有墓誌時嘉靖丁酉歲邑人郭瑞撰墓誌

南康縣志

卷十四

塋墓

三

知府王事聖墓在文付舖牛形夫婦合塋湖廣布政章貢謝詔撰墓誌

知縣黎國士墓在黎邊嶼形

知縣張宸墓在破猪嶺

知縣賴朝聘墓在古樓堡天心巖月形夫婦合塋

知縣賴愈雅墓在龍迴堡黃泥巷荒塘鳳形夫婦合塋

知縣賴愈秀墓在冷井茶頭坳長坑裏石龍坑牛形

通判王立愛墓在李家山田心裡月形按察司副

使楊祚撰墓誌

同知王用霖墓在潭口堡曹坑裡夫婦合葬

同知吳一旭墓在油槽堡飯堂裡

知縣蔡華墓在鯉魚山夫婦合葬

通判蔡均悅墓在星馳舖

知州蔡世勅墓在鯉魚山下

知縣王一興墓在龍潭菴前牛形附祖王鵬右側

知縣王一輿墓在冷井桐梓樹下虎形夫婦合葬

主事賴尚準墓在賢女舖紅鶴橋

員外郎劉昭文墓在邱邊汪背鮑形

南康縣志

卷十四

塋墓

四

員外郎王道浹墓在城北奎星嶺夫婦合葬

推官黃通墓在上猶稍尾笑天龍形

通判蔡芳墓在古鎮舖鷺形配張氏合葬

烈婦田氏墓在橫石井西三里有碑石

知縣林必儀墓在藥坑裡虎形阜城進士趙丹樞

撰墓誌

寺觀志

寺觀之興自漢以迄隋唐南朝梁勅建四百八十寺一時金碧輝煌何其盛哉豈真西方之佛力靈於東國之聖人抑世情貪惑溺於福田之說不惜膏血而爲之歟康邑僻在一隅境內寺觀幾五十所雖創修興廢不常然烏革翬飛麗江山之勝概禪林梵宇資遊覽之壯觀者亦可以殫民力耗民財矣達觀者幸毋惑諸

旭嶺第一山在縣北附郭宋有旭嶺書臺詳八景詩類明萬厯年間建旭山寺康熙三十年間邑

令閔公英琮修葺山寺另捐銀伍拾肆兩置富坑租田玖拾石載糧貳石壹斗叁升零庄屋一座承贍常住有記勒寺碑

前明萬厯丁亥年劉師敬陽茂嘉等計四十一家各捐銀壹兩共置富子塘租田貳拾石載熟糧陸斗伍升零永送旭山祖師前香燈之資又康熙二十三年奚雲卿送出旭山庵背魚塘一區長二十四弓橫一十三弓乾隆十五年立石歲清又乾隆十一年前令鄧公蘭斷廖昌茂賃耕

關帝廟置租田壹担伍斗土名北鄉王坑裏盤龍山脚下高水頭吳姓墳前左手田一坑上至山嶺下至河溪左右倒水爲界每年實還租穀壹担伍斗又本年李士銍士銓送出租田陸担土名龍迴黃屋嘴頭每年實還租谷肆担捌斗前令鄧公蘭斷令照依書院收租定額每担折銀伍錢正載熟米壹斗肆升零外本山先朝住僧續置九圳口善化填土一塊東至梁宅土界南西俱至河邊北至黃梁二姓土界每年完稅錢叁百叁拾文

南康縣志

卷十四

寺觀

二

寶林山卽傳法院在縣東北附郭唐建蘇東坡南還改今名燬於兵火康熙六年洪廣徒僧嘉祥重興舊僧會司卽在傳法寺本山地基并寺外餘地自南至北深叁拾柒丈伍尺東至西墻脚濶拾丈右邊田一連三坵南至北長貳拾玖丈伍尺東至西濶拾丈又田上園內田一小坵貳丈伍尺左邊墻脚下田一坵南至北深壹拾貳丈濶以塘爲界又田上園深壹拾貳丈伍尺濶伍丈

南水萬安寺在縣南附郭卽南臺山唐建久燬順治年間僧寶元募緣重興相傳宋邑人蔡大山學禪於此故名圓慧

其遺身至今尚存寺僧祀之

仙臺觀在縣西附郭唐建兵燬順治年間僧普度

草創復興康熙十年僧普度募建大殿改名西

竺菴相傳建炎初呂仙化羽流寓於此與鄧道士開井二口成呂字有丹井古蹟

慧日山菴在城內縣治東順治十一年建城內向未有寺

院僧傳魁始建今圯址存

淨慧寺即無塵山在縣東北附郭久廢康熙四十

七年僧人朗山募助興復今圯址存道光三年

清查公地邑宰王文明南北貳拾玖丈伍尺東

西壹拾伍丈王姓願承稅耕種額定每年稅錢

南康縣志

卷十四

寺觀

三

肆千肆百文將一半稅錢給西華山僧奉祀先

農殿香燈一半給城隍廟僧奉祀城隍香燈

資聖寺即祇林山在縣東北附郭久廢基存康熙

三十年僧人實林募緣吳愈發捐貲重建

了山興龍菴在旭山左兵燬康熙四年重建十一

年僧照庠重修

蓮花山寺在縣北宋建今重修

東山寺即古東山久廢康熙三十三年僧實祥募

緣重建今名緡雲寺

秀峰山在縣東牛牯堡先朝建今重修

高靈山在縣東牛牯堡先朝建今重修

南林山祖印禪寺在縣西青泥舖順治十六年創

建南林乃榛莽虎穴之區僧行中由天台徑曹溪過此發大願力開山興建今成大叢林有詩記見藝文

龍虎山在縣西青泥舖地方明萬厯間建順治十

六年重建

賜嘉山在縣西甘竹堡明萬厯間建順治時僧應

光重建

朝拜武功山在縣西麻田明萬厯間建順治十六

年重興

南康縣志

卷十四

寺觀

四

白雲山在縣西蓮塘了髻嶺明萬厯間建順治十

八年僧大富重興

迴龍菴在縣南龍迴堡西明萬厯間建今重修

龍頭菴在縣南龍迴堡布尾明成化間建今重修

騰龍菴在縣東北湖頭明萬厯間建康熙元年僧

傳奇重修

博羅寺在縣東北湖頭明成化間建今重修

許蛇亭寺在洋江卽東古山康熙九年重修

黎邊菴在黎邊順治年間重修

淨樂寺在縣北塘江南唐建後燬康熙十年有僧

建一小寮募緣重興

文明山舊名鎮龍山在縣北沙溪明萬曆元年建
今重修

鷄鳴山在縣北烏溪地方明嘉靖時建今重修

崇興菴在縣北長伯里下蒙明萬曆時建順治十
六年僧祥光募緣重興

功德山菴在縣北長伯里順治十年僧西佺募緣
鼎建

天心巖在縣北河田地方明嘉靖時建寇燬順治
十五年重興

妙緣寺在北鄉鎮前明成化時建今重修

扶山菴在縣北麻桑明萬曆時建康熙二年僧照
福募緣重興

西華山在北鄉南梁明嘉靖時建今重修

洪溶菴在縣北辛龍二里明天啟時建康熙九年
僧照點重建

盤龍菴在縣北辛龍里舊小菴今重修

慈喜寺在北鄉龍子里漢建今重修

婆婆巖在北鄉巾子石宋建今重修

東林禪院舊名東巖寺在北鄉義二圖唐宋再建

明萬曆五年改建順治年間重修

大龍山在北鄉黎箭嶺先朝建順治癸巳年僧寂
正重修

祇園菴在北鄉高塘口康熙二十一年建道光二
年重修

禪宗寺在縣北崇義二里明正德時建久廢康熙
二十年里人明端我等延僧覺提重興

鳳凰山在縣北崇義二里明萬曆時建康熙二十
三年僧光慈募里人明潤山重修

洞真觀在縣北相州二里明正統時建康熙二十
南康縣志

卷十四 寺觀

六

八年道士陳子伯重修

永興觀在縣東北附郭久廢基存以待興復

清真觀在縣東附郭久廢基存今改建旭升書院
報恩寺在縣南龍迴曹村久廢

萬年寺在縣南龍迴堡久廢

地藏閣在城東一里久廢康熙二十一年傳法寺
僧道譜捐建

僧會司原建於傳法院今廢

道會司原建於清真觀今廢

